



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

MDCCCCLI. Die Herzoge Erich und Wratislav klagen gegen den Kurfürsten
über die Feindseligkeiten, welche in des letztern Landen gegen die von
Stettin begangen werden, am 20. Febr. 1467.

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

So wille wy sunder sumend thom Zatzik edder thu Czochan kamen, dat doch uppe den grentzen licht vnd denne van angesichté vnser merklike bodescop to iw schiken vnd willen vns jst god wil wol vruntliken myt iwer leue verfliten Ok leue here vnd Ohm, jst vnse brudere by iwer leue dar vmme langk were, boghere wy vnd bidden, dat gy ene vp de neghede dar beholden, wy wille vnse dingk hir endeghen also wy erste konen vnd kamen also wy erste konen to iwer leue, — Screuen to wosterbardt, am donnerdaghe na trium regum — Anno etc. LXVII°.

Erick, van g. g. thu Stettin, der Pomern etc. Hertoghe,
vnd furste to rugen.

Dem hochgeborn fursten vnd heren, h. frederike, Marchgreue thu
Brandenborch, kurfursten etc. vnd Borchgreuen to Nurem-
bergk, vnsem leuen hern vnd Ohm.

Nach dem Originale des K. Geh. Kab. Archives.

MDCCCLI. Die Herzoge Erich und Wtislav klagen gegen den Kurfürsten über die Feindseligkeiten, welche in des letztern Landen gegen die von Stettin begangen werden,
am 20. Febr. 1467.

Vnse fruntlike denste etc. Durchluchtigede etc. De vnsern van Stettin hebben vns clegheliken to uorstande ghegeuen, wo dat juwe leue vnse Inwanere vnd borgere darfuluest to Stettin, swarliken auerualt in juwen landen en vnsern borgheren vnde dem kopmanne van Stettin in juwen landen to frankenuorde, Adersberge, Arnswalde vnde vurder anders weggen in der Olden vnd Nigen Marken, in juwen Tollen vnd woe gy vnd de juwen de auerkamen vnd voreffchen nemen boschatten broken nemen vnd Rofteren etc. Des wy doch an juwer leue nicht hadden vorhapet nach dem wy mit juwer leue mit den juwen, juwen landen vnd luden anders nicht weten, den louen vnd frede, leue vnd vruntschap vnd darto doch to velen tyden de vnsern by juwer leue hebben had vnd hebben vns lathen vorbeden alle weghe to rechte vnd vorbeden vns noch to rechte vnd willen mit juwer leue noch kamen to legheliken steden vnd dagen vor heren vnd vründe vnd vnser beyder Beden vnd pleghen juwer leue allent, wat erlik, reddelik vnd recht ys, So verne juwe leue vns desgheliken wedder wil dhon, Bogheren vnd hydden mit vlitiger andacht juwe leue darvp der vnsern van stettin guder nicht willen beholden, schatten edder touen lathen vp juwen tollen edder in juwen steden, de lathen Rofteren, men en weddergheuen ere guder vnd en de lathen volghen vth juwen lande vnd juwen steden vnuorhindert vnd vngherosteret, Vorschulde wy wor wy konen in eynem lyken, wor wy konnen vnd maghen, Wente juwe leue doch wol weth, dat vnse vordracht also nicht inholt, dat gy yd mit den vnsern also moghen

angripen —. Screuen in vnser Stad Anckelem, am dingstedage na Inuocait, — Anno etc. LXVII^{mo}.

Erich vnde Wartifflaff, van Gades Gn. to Stettin, der Pommern etc. Hertoghen vnde fursten to Rugen.

Dem Dorchl. hochg. fursten vnd hern, h. fridericke, Marggreuen to Brandenborch, d. h. R. R. ertzekemerer vnd Borchgr. to Norenberge, vnsem leuen ohme vnd swager.

Nach dem Originale des K. Geh. Kab. Archives.

MDCCCLII. Die Herzoge Erich und Bratislav von Pommern fordern den Kurfürsten zu einer Zusammenkunft beiderseitiger Rätthe oder ihrer Person zu Königsberg, Soldin, Piritz oder Garz auf, am 25. Febr. 1467.

Unse vruntlike denste etc. Hochgeborn furste, leue here Ohm vnd Swagher. Wy fughen iwer leue thu weten, dat wy vmme etlike zake angelanghet syn worden, darvonne wy iwer leue sunderghen gherne thu worden weren vnd de thu vorstande geuen etc. Worvonne boghere wy vnd bidden gy vns edder vnse mercklike sendebaden thu ener legheliken stede thu hand na paschen negest kamende alzo to koninghefsberge edder tom Soldyn willen zekeren vnd leyden thu vnd aff yn vnse edder vnser sendebaden zeker beholt. Were ok dat iwe leue suluest edder iwe sendebaden yn vnse land kamen wolden, alzo to Piritz edder Ghartzen, So wille wy desgeliken iw vnd den iwen zeker geleyde geuen vnd senden, vnd des iwe scriftlike antwerde by dessem vnsem baden. Screuen up wolgast, am midweken na Reminiscere, vnder vnsem Hertoch Ericken Ingefelgel, des wy vns hir to bruken, Anno domini etc. LXVII^{mo}.

Erick vnd wartifflaff, v. g. g. thu Stettin, der Pomern, der Cassuben vnd der wenden etc. Hertoghen, vnd furste to Rugen.

Dem hochgeborn fursten vnsem leue ohm, Swagher, hern frederick, Marchgr. to Brandenb., kurfursten, des h. R. R. Ertzkamerer vnd borchgr. to Normberg.

Nach dem Originale des K. Geh. Kab. Archives.